




# 2024 йил – Ёшлар ва бизнесни қўллаб-қувватлаш йили

## Inson manfaatlari — oliy qadriyat



ЎЗБЕКИСТОН Республикасидаги **ЎЗБЕК** **ADOLAT** **GAZETA** № 1 (1467) 2024-YIL 1-YANVAR, DUSHANBA



info@adolatgzt.uz  
www.adolat.uz  
adolatgz-95@mail.ru  
t.me/Gazeta\_Adotat

adolat24.uz/

## ЎЗБЕКИСТОН ХАЛҚИГА ЯНГИ ЙИЛ ТАБРИГИ



Азиз ватандошлар!  
Жонажон диёримизга янги – 2024 йил кириб келмоқда.  
Мана шу шукуҳли дамларда дуоғўй отахон ва онахонларимизни, меҳрибон опа-сингилларимизни, барча соҳа ва тармоқлар вакиллари, азму шижоатли ёшларимизни, чет эллардаги кадрли ватандошларимизни – кўпмиллатли бутун халқимизни ушбу қутлуғ айём билан чин қалбимдан самимий табриклайман.  
Муҳтарам дўстлар!  
Албатта, ҳаёт бор экан, унинг ютуқ ва қувончлари, ташвиш ва муаммолари ҳам бўлиши табиийдир. Аммо инсон ва халқ ақл-заковати, ҳалол меҳнати, мустақкам иродаси

билан ҳар қандай синовлардан муносиб ўтишга қодир.  
Шу маънода, 2023 йил эл-юртимиз учун қут-баракали ва омадли келди. Энг муҳими, юртимизда тинчлик-осойишталик, турли миллат вакиллари ўртасида дўстлик ва ҳамжиҳатлик ҳукм сурмоқда.  
Тарихимизда биринчи марта умумхалқ референдуми асосида янгиланган Конституциямизни қабул қилдик. Келгуси тараққиётимизни белгилаб берадиган “Ўзбекистон – 2030” стратегиясини амалга оширишни бошладик.  
Кўплаб нуфузли анжуманларни юқори савияда ўтказдик.  
Халқаро майдонда муҳим ташаббусларни илгари сурдик.

Барқарор иқтисодий ўсиш суръатларини сақлаб қолишга эришдик.  
Республикамизда юқори технологик замонавий sanoat корхоналари, логистика ва инфратузилма тармоқлари, боғча ва мактаблар, маданият ва спорт объектлари барпо этилди. Янги-янги иш ўринлари очилмоқда. Шаҳар ва қишлоқларимиз обод бўлиб, аҳоли ҳаёт даражаси юксалиб бормоқда.  
Биргаликдаги меҳнатимиз туфайли Янги Ўзбекистон орзуси реал ҳақиқатга айланмоқда. Барча эришган ютуқларимиз учун сиз, азиз ватандошларимизга чин дилдан миннатдорлик билдираман.  
Муҳтарам дўстлар!  
Инсон қадрини улуғлаш,

аҳолимиз манфаатларини таъминлаш, бунинг учун кучли иқтисодиёт барпо этиш бизнинг асосий вазифамиздир. Шу мақсадда 2024 йилни мамлакатимизда “Ёшлар ва бизнесни қўллаб-қувватлаш йили”, деб эълон қилдик.  
Янги йилда иқтисодиётимизга хорижий инвестицияларни жалб этиш, тадбиркорлик ва хусусий мулк учун кенг имкониятлар яратишни янада кучайтираемиз. Илм-фан, инновация, IT каби соҳаларни, “яшил” ва рақамли технологияларни ривожлантиришга алоҳида эътибор қаратаемиз.  
Янги иш ўринлари ташкил этиш, аҳоли даромадларини ошириш эътиборимиз марказида бўлади. Иш ҳақи, пенсия, стипендия ва нафақалар миқдори кўпайтирилади. Хотин-қизлар ва нурунийларни, ёрдамга муҳтож инсонларни қўллаб-қувватлашга алоҳида аҳамият бераемиз. Ижтимоий соҳалар ривожини мутлақо янги босқичга кўтарамиз.  
Ватанимиз мустақиллигини мустақкамлаш, Қуролли Кучларимиз жанговар салоҳиятини ошириш устувор вазифамиз бўлиб қолади.  
Муҳтасар айтганда, янги ҳаётни, Янги Ўзбекистонни барпо этиш учун бор куч ва имкониятларимизни тўлиқ сафарбар этаемиз.  
Қадрли ва муҳтарам ватандошларим!  
Сизларни Янги йил байрами билан яна бир бор қутлаб, барчангизга сиҳат-саломатлик, оилавий бахт, хонадонларингизга тинчлик ва файзу барака тилайман.  
Ҳар бир оила, ҳар бир маҳалла, бутун юртимиз фаровон бўлсин!  
Гўзал Ватанимизни Яратганнинг ўзи паноҳида асрасин!  
Янги йил барчамизга муборак бўлсин!  
**Шавкат МИРЗИЁЕВ,**  
**Ўзбекистон Республикаси Президенти**

## Қутлаймиз! Сафдошимиз академик унвонига сазовор бўлди



Ўзбекистон Республикаси Президентининг 2023 йил 22 декабрдаги фармони билан мамлакатимиз илм-фани нуфузини янада ошириш, илмий-технологик салоҳиятини юксалтиришда академик илм-фаннинг ролини кучайтириш мақсадида **Фанлар академияси Ҳайъати ва тегишли фан ихтисосликлари бўйича фаолият кўрсатаётган ҳақиқий аъзоларининг тавсиясига асосан бир қатор олий таълим муассасалари ректор ва профессор-ўқитувчилари Ўзбекистон Республикаси Фанлар академиясининг ҳақиқий аъзоси бўлди.**  
Тақдирланганлар орасида Ўзбекистон “Адолат” СДП Сийёсий Кенгаши аъзоси, Тошкент давлат техника университети ректори Турабжонов Садритдин Махаматдиновичнинг ҳам борлиги биз, партиядошларни кўксимизни фахр-ифтихорга тўлдирди.  
Барча партиядошлар номидан Садритдин Турабжоновни Ўзбекистон Республикаси Фанлар академиясининг ҳақиқий аъзоси, яъни энг олий илмий эътироф — академик унвонига сазовор бўлганлиги муносабати билан самимий қутлаймиз!

“Адолат” СДП Сийёсий Кенгаши

## Байрам шукуҳи

# Янги йилга янги орзулар билан

Янги йил байрамини болажонларимиз ўзгача интиқлик билан кутишади. Ота-оналар фарзандларига бўлган чексиз меҳр-муҳаббатлари ифодаси сифатида болажонларнинг энг сеvimли байрамларидан бири саналган янги йил тадбирларини чинакам тантананага айлантиришни исташади.  
Ўзбекистон “Адолат” СДП янги йил арафасида халқимиз анъаналарига ҳамоҳанг равишда болажонлар қалбига қувонч, лабларига табассум улашиш мақсадида анъанавий тарзда бир қатор лойиҳаларни амалга ошириб келмоқда.  
Республика ихтисослаштирилган гематология илмий-амалий тиббиёт марказида ташкил этилган “Саховат – беназир кадрият” лойиҳаси доирасидаги “Янги йилга янги орзулар билан” шиори остида ўтказилган кўчма арча шодиёналари ҳам ана шундай тадбирлар жумласидандир.











